



САЛОМАТЛИК — ТУМАН БОЙЛИК

ЗДОРОВЬЕ НАРОДА — БОГАТСТВО СТРАНЫ

PEDIATR

№ 14 (891)
9-Sentabr, Seshanba
2019-yil

TOSHKENT PEDIATRIYA TIBBIYOT INSITUTI MEHNAT JAMOASI NASHRI
ОРГАН ТРУДОВОГО КОЛЛЕКТИВА ТАШКЕНТСКОГО
ПЕДИАТРИЧЕСКОГО МЕДИЦИНСКОГО ИНСТИТУТА

Gazeta 1974-yil
martdan chiqq
boshlagan

КАДРЛАР САЛОҲИЯТИ ДОИМИЙ ЭЪТИБОРДА

Б.Т.Даминов
ТошПТИ ректори,
Халқ депутатлари
Тошкент шаҳар кенгаши
депутати

Энг улуғ, энг азиз айём – мамлакатимиз мустақиллигини халқимиз «Жонажон Ўзбекистоним, мангу бўл омон!» шиори остида кўтаринки кайфият билан қарши олди, нишонлади.

Шу улуғ айём кунларида юртдошларимиз мамлакатимизда сўнги йилларда амалга оширилаётган кенг кўламли ислохотларнинг амалдаги ифодасини бот-бот такрорляпти, айтяпти. Чин маънода Ўзбекистон ислохотларнинг янги даврида экани дунё ҳамжамияти томонидан бир неча бор эътироф этилди. Бундай эътирофларнинг кўпида мамлакатимизда инсон ва унинг қадри, шаъни улуғланаётганлиги айтиляпти. Айниқса, халқ билан мулоқот давлат сиёсати даражасига кўтарилганлиги, жамиятда очиқлик ва эркинлик муҳити кучайиб бораётганлиги, жамоатчиликнинг ташаббускорлиги ошаётганлиги, фуқаролар нафақат ўз шахсий муаммоси, балки кўпчиликнинг дарду ташвишларини ҳал қилиш учун давлат идоралари билан ҳамкорликда ишлашга ўрганаётганлиги қайта-қайта таъкидланяпти.

Халқимиз қандай ислохотларни, қандай ўзгаришларни, қандай янги лойиҳаларни амалга ошираётган бўлмасин, уларнинг барча-бар-

часининг тағ замири – ягона ва улуғ бир мақсадга қаратилган. У ҳам бўлса, мана шу меҳнаткаш, заҳматкаш, олижаноб халқимизнинг турмуш тарзини янада фаровон қилишга қаратилган. Аммо ҳар қандай ислохот, аввало, инсон ва унинг манфаати учун қилинар экан, энг муҳими кишиларнинг саломатлиги биринчи ўринга кўтарилади. Шу боис сўнги йилларда соғлиқни сақлаш соҳасида ҳам қатор муаммолар ўз ечимини топомқда. Аввало, соғлом турмуш тарзига жиддий эътибор қаратилиб, болалар саломатлиги борасида бир қатор ишлар амалга оширилди. Мухтарам Президентимиз Шавкат Мирзиёев Ўзбекистон Республикаси Мустақиллигининг йигирма саккиз йиллигига бағишланган тантанали маросимда бу борада: «Соғлиқни сақлаш соҳасининг моддий-техник базаси ва кадрлар салоҳиятини мустаҳкамлаш доимо эътиборимиз марказида бўлиб келмоқда. Юртимизда кўплаб янги шифохоналар, тиббиёт марказлари, оилавий ва хусусий клиникалар фаолияти йўлга қўйилмоқда», – дедилар.

Президентимиз таъкидлаганларидек, соғлиқни сақлаш соҳасига салоҳиятли кадрларни тарбиялаш, етук мутахассисларни етиштириш учун бизнинг таълим муассасамиз – Тошкент Педиатрия тиббиёт институтининг юқори малакали илмий-педагогик жамоаси ҳам ўзининг муносиб ҳиссасини қўшиб келмоқда.

Хусусан, жорий йилда 28 та йўналиш бўйича 134 нафар юқори

малакали магистратурант мутахассисларини ҳамда 29 та йўналиш бўйича клиник ординатура орқали тор ихтисосликларга йўналтирилган 407 нафар малакали мутахассисларни тайёрлаб берди.

Тиббиётнинг бугунги эришган ютуқларини пухта эгаллаган ва замонавий илғор технологиялардан бохабар мутахассислар тайёрлаш учун таълим даргоҳимиз 20 дан ортиқ етакчи хорижий тиббий ва таълим ташкилотлари, халқаро жамғармалар билан яқин ҳамкорликни йўлга қўйган.

Тошкент Педиатрия тиббиёт институтида таълим олган ёшлардан соғлиқни сақлаш соҳасида умидимиз катта. Улар эртанги кунимиз. Шунинг учун ёшларга кенг йўл очиб бериш, эҳтиёж ва манфаатларини таъминлаш, қобилят ва истеъдодини рўёбга чиқариш, ҳаётда ўз ўрнини топишига ёрдам бериш, уларга масъул вазифаларни ишониб топшириш бундан буён ҳам доимо эътиборимиз марказида бўлади.

Мустақиллигимизнинг 28 йиллиги арафасида янги ўқув йилида 510 нафар талаба ўқишга қабул қилинди. Уларнинг етук кадр бўлиб етишишида бутун меҳнат жамоамиз бор салоҳиятини ишга солади. Қутлуғ айём барча юртдошларимиз, ўқитувчилар ва талабаларга муборак бўлсин, юртимиз равнақи, халқимиз фаровонлиги ва баркамол авлод саломатлиги йўлидаги фидокорона хизматларингизда матонат ва омад ёр бўлсин.



ХУШ КЕЛИБСИЗ, ТАЛАБА!

Ўзбекистон Республикаси Президенти Шавкат Мирзиёев 2019 йил 6 сентябрдаги «Профессионал таълим тизимини янада такомиллаштиришга доир қўшимча чора-тадбирлар тўғрисида»ги фармонларида таъкидлаган эдилар: «2017-2021 йилларда Ўзбекистон Республикасини ривожлантиришнинг 5 та устувор йўналиши бўйича Ҳаракатлар стратегиясида белгиланган вазифаларни амалга ошириш, меҳнат бозори талабаларига мос юқори малакали кадрларни тайёрлаш, таълим сифатини баҳолашнинг халқаро стандартларини жорий этиш, инновацион илм-фан ютуқларини амалга татбиқ этишнинг самарали механизмларини яратиш орқали мамлакатда таълим тизимини ислоҳ қилиш бўйича изчил ишлар амалга оширилмоқда». Юртбошимизнинг фармонларига биноан ҳар янги ўқув йили бизнинг олий ўқув даргоҳимизда ҳам илмга чанқоқ талабалар 1-курсга кириш имтиҳонлари асосида ўқишга қабул қилинади. 4 сентябрь куни ўқув даргоҳимизда «Калит топшириш» маросими бўлиб ўтди. Тадбирни институтимиз ректори, профессор Б.Т. Даминов бошлаб берар эканлар: «Мустақиллигимизнинг 28 йиллиги» байрами муносабати билан ҳамда олий ўқув даргоҳимизга иштиёқ ва юксак иқтидор билан келган 1 – курсга қабул қилиниб, талаба номига сазовор бўлган ўқувчи ёшларимизни, шу институтнинг барча ўқитувчиларини, ўз билими билан келажакимизни барпо қиладигин барча талабаларни табриклайман. Барчангизга муваффақиятлар тилайман», – дея ўз тилақларини изҳор қилдилар.

Бу маросим давомида талабаларни қутлаш учун ўқув ишлари бўйича проректор Қ.Н.Хаитов, институтимиз профессорлари Э.А.Турсунов ҳамда М.Ф.Файзиевалар сўзга чиқиб, 1 – курс талабаларига рамзий оқ халат ва қалпоқча (рейтинг дафтарчаси, билимлар калити)ларни расман тақдим қилишди.

Янги ўқув йили учун янги таъмир ва жиҳозлар билан безатилган ўқув биносидида мисли оқ кабутардек илмга ташна талабаларнинг кўзидаги қувонч, юрагидаги шижоат ва иштиёқ билан туришларига ҳавасинг келади. Аввало ота-она, юрт олдидаги, ўз устозлари олдидаги ишонччи оқлаб, талаба номига эришишдек номга сазовор бўлган ёшларнинг келажак учун жон куйдирадиган устозларимиз йил давомида талабаларга билим бериб боришади.

Мустақиллигимиз берган неъмат-тинчлик қошонасида бугунги кунда давлатимиз ҳар бир соҳада илгарилаб бормоқда. Шу жумладан, соғлиқни сақлаш соҳасида ҳам кўплаб ислохотлар амалга оширилиб келинмоқда. Юрт тинчлиги, аввало, соғлом авлодни тарбиялашдан бошланади. Зеро, ҳам жисмонан, ҳам маънан соғлом бўлган авлодгина Ватан ривожига пойдевор бўла олади.

Айни шиддат билан оқиб бораётган замоннинг тезкор билим манбааларидан фойдаланиб, Жаҳон стандартларига жавоб бера оладиган даражада таълим олишларингизга муваффақиятлар тилаб «Хуш келибсиз, талаба» дейман.

Асомиддин
ХУДАЙБЕРДИЕВ

ВАТАН

*Мустақиллик учун,
юрт учун ҳар он,
Ҳарбийлар мустаҳкам,
ишончли қалқон.
Муҳтарам Президент –
Олий қўмондон,
Доимо энг кучли
бўлсин ҳарбийлар,
Энг илғор сафларга
тўлсин ҳарбийлар.*

*Посбонлар бор жойда
бордир ҳимоя,
Дилларга хатарлар
солалмас соя,
Ватанни қўриқлаш –
муқаддас гоё,
Ҳарбийлари етук Ватан
тинч бўлар,
Оилалар аро бахт,
севинч бўлар.*

*Ҳар дилда фармони
олийларинг бор,
Нурли эртанг, шонли
мозийларинг бор,
Қасамёдга содиқ
ҳарбийларинг бор,
Сокин бўл, равнақ топ,
яшнайвер, Ватан,
Шарофатли ишлар
бошлайвер, Ватан!*

*Жаҳону замонни қойил
қилганча
Кучиб бормоқдамиз
зафарлар қанча,
Озод бўл, обод бўл
дунё турганча –
Соҳибқирон руҳи –
қувватинг, Ватан,
Қуролли кучларинг –
қудратинг, Ватан!*

Даврон Акбаров

**2020 йилга ТошПТИнинг «Олий ўқув юртидан кейинги таълими»га
Ўзбекистон Республикаси давлат бюджет маблағлари ҳисобига таянч докторантура ва
докторантура учун ажратилган қабул режаси (квота)
ҳамда ихтисосликлар бўйича тақсимоти**

Ўзбекистон Республикаси Вази́рлар Маҳкамасининг «Олий малакали илмий ва илмий-педагог кадрларни мақсадли тайёрлаш тизимини такомиллаштириш тўғрисида» 2019 йил 19 июлдаги 606 – сон қарори ижросини, Ўзбекистон Республикаси Бош Вази́рининг 2009 йил 30 августдаги 11-10 – сон «Вази́рликлар, давлат

қўмиталари, идоралар, хўжалик бирлашмалари, уларнинг таркибий ва ҳудудий бўлинмаларида ҳужжатлар билан ишлашни ташкил этиш ҳамда ижро интизомининг аҳволи мониторингини олиб бориш тартиби»га, Ўзбекистон Республикаси Олий ва ўрта махсус таълим вази́рининг 2019 йил 24 июлдаги 668 – сонли буйруғи

ҳамда Ўзбекистон Республикаси Соғлиқни сақлаш вази́рлигининг 2019 йил 25 июлдаги 8-7-4/997 – сонли кўрсатма – хати асосида **2020** йилга ТошПТИнинг «Олий ўқув юртидан кейинги таълими»-га Ўзбекистон Республикаси давлат бюджет маблағлари ҳисобига таянч докторантура ва докторантурага қабул режаси

Шифр	Ихтисослик номи	Таянч докторантура ўринлар сони	Докторантура ўринлар сони
14.00.01	акушерлик ва гинекология	1	
14.00.05	ички касалликлар	1	
14.00.09	педиатрия	2	
14.00.11	дерматология ва венерология	1	
14.00.13	неврология	1	1
14.00.28	нейрохирургия	1	
14.00.33	жамият саломатлиги. соғлиқни сақлашда менежмент	2	
ЖАМИ:	7 та	9 та	1 та

Ҳужжатлар талабгорлар томонидан ТошПТИнинг илмий тадқиқотлар, инновациялар ва илмий – педагогларни тайёрлаш бўлимида қабул комиссиясига топширилади ва шу билан бирга талабгорларнинг шахсий ҳужжатлари онлайн phd.mininnovation.uz - сайти орқали юборилади **15 сентябрдан 15 октябргача қабул қилинади.**

Таянч докторантурага қуйидагиларга эга бўлганлар қабул қилинади:

– магистр даражасига ёхуд клиник ординатурани тугатган (тиббиёт фанлари учун), олий маълумот тўғрисидаги дипломга (мутахассислик дастурлари бўйича) эга бўлганлар;

фалсафа доктори (PhD) илмий даражасини олиш учун

диссертация тадқиқоти асосини ташкил қилиши мумкин бўлган илмий натижалар, шу жумладан, илмий журналларда чоп этилган камида битта мақола ҳамда тегишли йўналишлар бўйича иккитадан кам бўлмаган илмий ишлар тўпламларига киритилган маъруза тезисларига эга бўлганлар.

Таянч докторантурада ўқишга талабгорлар ОТМга қуйидаги ҳужжатларни тақдим этадилар:

ариза;
қисқача биографик маълумотнома;

меҳнат дафтарчасининг белгиланган тартибда тасдиқланган нусхаси (ишлаётган талабгорлар учун);

олий таълим муассасаси магистратураси дипломи ёки кли-

ник ординатурани тугатганлик (тиббиёт фанлари учун), олий маълумот (мутахассислик дастурлари бўйича) тўғрисидаги диплом нусхаси;

– нашр этилган илмий ишлар рўйхати, шунингдек уларнинг нусхалари.

Ўзбекистон Республикаси Президенти Давлат стипендияси соҳиблари тегишли ҳужжат нусхасини тақдим этадилар.

Докторантурага қуйидагиларга эга бўлганлар қабул қилинади:

– фан номзоди ёки фалсафа доктори (PhD) ёхуд уларга тенглаштирилган хорижий давлатларда олинган илмий даражалар;

– фан номзоди ёки фалсафа доктори (PhD) илмий дара-

жаси ёхуд уларга тенглаштирилган бошқа илмий даражалар олгандан сўнг муҳим илмий ютуқларга эришиш, шу жумладан, фан доктори (DSc) илмий даражасини олиш учун диссертация тадқиқоти асосини ташкил қилиши мумкин бўлган илмий журналларда чоп этилган камида **3 та** (учта) илмий мақолага ҳамда илмий-амалий конференциялар, семинарлар ва тегишли илмий йўналишлар бўйича илмий ишлар тўпламларида камида иккита тезисга эга бўлиш.

Докторантурада ўқишга талабгорлар ОТМга куйидаги ҳужжатларни тақдим этадилар:

- ариза;
- қисқача биографик маълумотнома;
- меҳнат дафтарчасининг белгиланган тартибда тасдиқланган нусхаси (ишлаётган талабгорлар учун);
- олий маълумот, фан номзоди ёхуд фалсафа доктори (PhD) ёки хорижий давлатларда унга тенглаштирилган илмий даражага эга бўлганлиги тўғрисидаги диплом нусхаси;

– тадқиқот мавзуси бўйича илмий маъруза ва фан доктори (DSc) илмий даражасини олиш учун тайёрланган докторлик диссертацияси режасининг муфассал лойиҳаси;

– нашр этилган илмий ишлар рўйхати, шунингдек уларнинг нусхалари.

Бизнинг манзил: ТошПТИ лицейи, катталар клиникасида 3-қават, 8 – хона.

Кўшимча маълумот учун телефонлар:

– уяли телефон: +99893 3827441

– иш телефони: +998712602898

Ўзбекистон Республикаси Соғлиқни сақлаш вазирлиги

ТОШКЕНТ ПЕДИАТРИЯ ТИББИЁТ ИНСТИТУТИ

*Профессор-ўқитувчилар таркиби бўйича қуйидаги кафедралар лавозимларига
ТАНЛОВ эълон қилади:*

ДОЦЕНТЛАР: 2-Госпитал педиатрия ноанъанавий тиббиёт асослари;

1-Госпитал педиатрия ноанъанавий тиббиёт асослари; Суд тиббиёти, тиббиёт ҳуқуқи; Болалар юқумли касалликлари; Умумий хирургия; Нейрохирургия ва болалар нейрохирургияси; Топографик анатомия ва оператив хирургия асослари; Шошилишч педиатрия, ҳалокат тиббиёти; Тери-таносил, болалар тери таносил касалликлари, ОИТС.


КАТТА ЎҚИТУВЧИЛАР: Болалар юқумли касалликлари; Фармакология; Топографик анатомия ва оператив хирургия асослари.

АССИСТЕНТЛАР: Фармакология; Неонатология; Нейрохирургия ва болалар нейрохирургияси;

*Танлов муддати – эълон чиққан кундан 1-ой
Манзилгоҳ- Боғишамол кўчаси 223, Тош ПТИ.*

Автобуслар: 115,19

ТошПТИ бекати. 2019.09.09.

 <p>ТОШКЕНТ ПЕДИАТРИЯ ТИББИЁТ ИНСТИТУТИ МЕХНАТ ЖАМОАСИ НАШРИ ОРГАН ТРУДОВОГО КОЛЛЕКТИВА ТАШКЕНТСКОГО ПЕДИАТРИЧЕСКОГО МЕДИЦИНСКОГО ИНСТИТУТА</p>	<p>Тахрир кенгаши: Д.А. Асадов, А.В. Алимов, Х.Ф. Ҳайдаров, М. Аҳмедова, А.И. Искандаров, К. Ҳайтов, Т.С. Аъзамхўжаев, А. Валиев, А.А. Қудайбеганов, Б.М. Таджиев, С.С. Гулямов, Г. Усманова Нашр учун масъул: Г. Ашурова</p>	<p>Бош муҳаррир: Б.Т. ДАМИНОВ Тахрир хайъати: (<i>ишчи гуруҳ</i>) Э.О. Турсунов, К.Ш. Турдиева (Бош муҳаррир ўринбосари), А.М. Маннонов, Д.А. Аҳмедова, С.А. Бегмонов, А. Носиров, З. Каримова, А. Худайбердиев</p>	<p>Газета Тошкент шаҳар матбуот ва ахборот бошқармасида 29.12.2006 йил 02-0010-сон билан рўйхатга олинган.</p> <p>Манзил: 700140, Тошкент-140, Боғишамол кўчаси, 223</p> <p>Cho'iron nomidagi NMIU техник ва дастурий воситалари базасида чоп этилди. Манзил: Тошкент, 100129, Навоий кўчаси, 30. -буюртма. Адади 100 нусха.</p> <p>Газета институт ҳисобидан нашр этилади ва bepul тарқтилади.</p>
---	---	---	---